

ep157.119  
42  
部=5

34.3  
51.0



封邱縣續志

王廣慶題



封邱縣續志卷十四

官績略



清

知縣孫琰字允璞號沛霖直隸順天宛平進士康熙五十三年任創建義學發倉賑災捐俸脩城蠲免署內濫支每於朔望講約環聽者咸集率皆感化因之里俗仁厚爭訟幾息去官之日士庶攀轅挽留且為之立碑致思本該知縣去思

碑纂碑現存縣北關完全小學校

知縣曾興柱湖北雲夢進士乾隆十七年任學問淵博存心仁慈會值陽橋決口淹封邱辛口等八社興柱籌款賑濟力請豁免差徭拯救災黎迨甲戌歲年穀豐登人民樂業乃捐俸倡脩儒學以勵士氣後以病卒於官本駱文光名宦題名

封邱縣續志

卷十四

官績略

一

開封新豫印刷所承印

碑記暨該知縣重脩儒學碑纂

案知縣駱文光同治十三年蒐選清代名宦撮其事略題名勒石篋諸正義書院學古堂後北屋之壁謂自耿紘祚至陳所蘊中間七十餘年官易數十其中之賢者不及時以記之將恐久而失考因錄中丞賈漢復方伯江蘭知縣王開期宋翔余縉屠粹忠岳峯秀王賜魁杜時萼孟鏐耿紘祚曾興柱陳所蘊蔣萬寧馬際泰郭景偁等十六人然紘祚以前諸人已見舊志茲不重載以後五人之善政仁澤足垂不朽者賴有此碑之存不然雖龔黃之治亦終歸湮沒也然則駱令之識大體關心文獻於此足見一斑矣

主簿江某乾隆二十五年任是時公廨久廢歷任諸官奉職奔走苦無定居江

乃提倡建署商之縣令相度形勢得地於黃池南岸大堤北坡黨將軍廟之西偏請准上憲首出己俸濟以捐款鳩工庇材建房六十餘間外繞桃梨棗杏千株饒有花縣風味尤於黃池灘地植官柳種蒲葦每值春夏之時穠綠交錯一望無際亦極幽雅公退之餘登高一眺清光撲人眉宇南顧黃河之奔放慨然想見古之豪杰易云王者設險以守其國不信然乎

本該員建署碑

知縣陳所蘊山西蒲城進士乾隆五十二年任政令簡明勸農課士識拔真才救荒減徭分二十六社差地等則定牌車牌馬輪流支差以除里胥臨時派擾之弊民間稱便

以上錄駱文光名宦題名碑

案駱文光壁記於陳所蘊宦績下直錄維查邑志自康熙年間王賜魁定里甲之差案地分別官戶於戶各自急公不相爲累至陳所蘊又能

封邱縣續志

卷十四 宦績略

清

開封新豫印刷所承印

因時變遷皆屬至公不易之善法今奉行年久章程暫廢難得平均急應設法整理庶前人美政不至病民有司牧之責者其加意焉

以上由壁記

是觀之足知陳所蘊政令之善而駱文光既以是自許又以許人尤善之善者也

知縣蔣萬寧江蘇吳縣進士嘉慶七年任練達明敏事至立決務期以善化民

不爲鷹擊之治民皆愛而畏之至其判斷疑獄不假刑訊更屬常吏莫及時

有李烈婦以拒奸被害

詳本志烈婦略

李廷以耙釘身死

有翻蔣把小說傳世

兩大疑案茫無

端倪均能親身暗訪得其的實或置大辟或請旌表萬民稱快咸以青天呼之八年河決衡家樓水勢滔天直趨封城破堤而入南門塌陷岌岌可危幸其督率堵塞水繞城西而去始得化險爲夷蔣卽請振減徭加意撫卹以蘇

災黎又力請上憲脩城浚池築堤以防不虞

北堤埠口東邊猶存蔣公堤碑

在任數年設立

義學培養人材倉廩盈溢盜賊屏息後調任孟縣民多思之

本略文光名宦題名碑記暨採

訪

知縣馬際泰浙江會稽舉人嘉慶二十三年任性仁厚持廉介民有爭訟惟和

解之政簡刑清論文課士諄諄講學與寒素無異在任三年民愛之如父母

其子步蟾後入詞垣人謂厚德之報云

本略文光壁記

知縣郭景礪山西陽曲廩貢道光二十六年任性曠達政廉平懇勲聽斷案無

留牘時置奇荒民多饑溺乃加意賑務請款勸募以求實惠及民絕無絲毫

染指封邱西南大堤北邊屢年積水爲患甚巨乃勸民疏通渠道使水有所

宣洩一方始得安居至今猶依賴之後以憂去

本略文光壁記

封邱縣續志

卷十四 官績略 清

三二

開封新豫印刷所承印

知縣駱文光字子木直隸青苑監生原籍浙江會稽咸豐十一年二月任時捻

匪倡亂獲嘉李占標等乘機竊發封城雉堞圯毀隍土坍塌如不修築實難

捍禦適上憲頻札勸捐軍需及防河經費文光乃權量重輕稟明撫憲將捐

項暫緩提解約商紳民衆銳志成城五月動工越四閱月而告竣卽急編練

鄉團教以陣法秣馬厲兵以防非常至十二月初東匪郭秉鈞焦軻倡等卽

西來以城堅守固掠而東去封民未受大創者皆文光謀劃之力也亂甫定

卽復創修書院建立考棚延師招生殷勤造士河北驛站正路向由祥直接

延並不繞道封邱自咸豐三年後渡口堤頭擅將渡口移至陳橋祥延官紳

遂以道遠爲藉口妄行扳累文光乃據情屢稟上憲文詞不抗不卑委曲婉

轉百方經營始將驛站仍歸祥延正站永釋封邱無窮之累封邱前令向無

題名碑記文光又將前清以來令尹姓字一一勒諸貞珉某也廉某也貪某也直某也曲黑白劃然昭若列星非惟使後之官斯土者惕然知所法戒并令後之脩志者有所依據而施其月且其用意之周託志之遠大率類是可謂良吏矣今雖人亡風微而甘棠猶在觀其大堂暖閣木刻一聯云莫行半點虧心事不受一文枉法錢額書頭上有天不僅筆法精工其爲人亦可想見令人低回留之不能去云

知縣孫成竹陝西南鄭監生同治四年五月自潯縣調封是時捻匪鴉張竄踞鄰境乃於催科撫字之餘編團練設探訪秣馬厲兵保衛疆圉迨七年三月捻匪竄擾卽率兵民登城嚴守賊知有備繞堤東走全城得以無虞

本檔卷

知縣張寶森山東武定蒲台副榜同治十三年六月任家本富有心切民社任

封邱縣續志

卷十四

宦績略

清

四

開封新豫印刷所承印

中費用不給恆取給於家且疾惡若仇土豪劣紳一毫不少假借惜屢經調遣條以憂去至今民猶思之

本檔卷

知縣宋夢蛟光緒元年十二月任注重農業修理倉儲整理書院考棚不數月而善政班班至二年七月卸民咸思之

本檔卷

訓導方智軫陳州淮寧副貢光緒十四年任宣講聖諭以化愚民勤視義學以促文化訓士之道嘗勉以業務勤修至誠方爲實學心存直諒遷善方爲指歸是以士論翕然莫不欽佩又倡修文昌閣暨周圍墻垣後以訓迪有方題陞士紳挽留不聽其去上憲令准暫署以洽輿情云

本檔卷

知縣左輔長沙人光緒二十一年五月任廉明有斷凡聽訟必使兩造各盡其詞然後斷以己意悉中肯綮有仲氏片言折獄之致又封邱糧銀釐加戶捐

積弊已久乃悉革無遺在任一年民晉匾額堂壁幾無餘地

本探訪

知縣陳戾愷山西舉人光緒二十二年六月任陳初試仕下車即以循吏自許見紳民爲左前任所獻諸匾額乃慨然曰彼曲曲者何足道我爲政必逾乎此由是持節廉介斷獄勤明興利除弊去之日紳民遮道挽留途爲之塞

本檔

卷

訓導樊振家字凱臣內黃舉人光緒十七年四月任品學兼優情殷作人訓士務以盡倫植品爲先諸生中有放蕩不羈者時召誡之士風爲之整飭而文理精通儒雅可親尙進之士多受業於其門與之遊者盡屬名下士又倡捐募購買書籍以促文化並倡脩文昌閣及補葺明倫堂敬一亭有種種公益之舉

有碑文見文徵

兩次俸滿曾膺保薦後在任丁憂官紳不忍其卽去適縣高等

封邱縣續志

卷十四

官績略

清

五

開封新豫印刷所承印

小學堂成立猶延爲中學教習云

本檔卷

知縣黃庭芝字瀛橋廣東文昌拔貢光緒二十五年正月任學問淵博情殷造士生童考課試卷親筆批改又捐廉同訓導樊振家倡募買書促進文人知識至關心民瘼則辦保甲親定章程辦實業一再勸諭常借課士策題訪問民間疾苦爲圖治資以之利興害除者屈指難計封邱糧銀雖經左任革去厘捐戶加而吏胥猶以並戶捐厘成分浸牟萬民黃廉得其情悉爲革去

有碑

現存第一小學

光緒回鑾道經封城竭力辦差以事關非常虧累頗巨人爲之危及

晉謁皇太后反以忠厚長者相許將虧欠悉爲蠲去及科考停學校設封邱又賴其力創辦高等小學堂以爲異日文化進化之基礎

有開辦學堂及呈文見掌故

後

調鹿邑去

本檔卷

知縣姜麟書字伯亮江蘇常州陽湖舉人光緒三十二年四月任政治簡明民沾實惠有詩才對於教育更屬關切如改良私塾廣設小學皆炳炳烺烺不宜聽其掩沒也

訓導張樹勳汝州郟縣人優貢光緒二十三年十一月任講求正學爲士矜式

採訪節孝不遺餘力

本檔卷

主簿曹祐孫順天武清監生宣統二年三月任對於應管事務克盡厥職河道趨向土性沙鬆素極講求又不時親歷查勘遇有愚民作踐堤堰等事再三勸而不改方以刑罰懲之事關訴訟毫不准理彈壓地方保護閭閻辦巡警暨保甲不憚勤勞每夜必親查數次大小客店均立循環簿冊詳爲查視究未嘗妄罰一人與百姓如家人父子且於新政急力提倡鄉董每開會議必

封邱縣續志

卷十四 宦績略

六

開封新豫印刷所承印

詳爲宣講立憲國民之利益以通風氣是以著任期滿紳民恐其卽去曾稟請知縣轉詳借寇云

本檔卷

知縣文械字筱峯正白旗人筆帖式宣統二年十二月任清廉愛物民多懷之

置國體變更凡百新政奉行甚力縣署陋規悉予罷除民國元年去

本檔卷

民國

知事<sub>斗</sub>之炎字靜涵信陽清拔貢民國元年七月任成名之初杖策從戎運謀剿匪以功歷升知縣軍事知識隻眼獨具甫蒞封初辦清鄉繼改守望均有條理且勇敢除暴聞匪搶劫無不策馬當先率勇往剿本境巨匪寇會先于雙對王水鷄丹金魁等廩延巨匪常太之張喚焦二金五等長垣巨匪王鳳鳴王鳳山靳玉漳張馬五王貴妮李長貴等悉被挈獲嚴正典刑盜賊斂跡

民得安居卽改車馬隨糧征收定漕米自封投櫃社書土劣舞弊中飽之陋習一揮淨盡且革門丁用收發慎詞訟興教育利興害除庶政維新封民感德及今猶思慕不忘云

本檔卷

知縣姚禮坤廣東番禺監生民國五年一月任性豪邁貌英武屢宰大邑經驗宏富及蒞封嚴明聽政強抑弱扶奸役土劣當面斥逐上憲加考以聽斷勤明兼長緝捕興利除弊循吏風規相許

本檔卷

知縣王澤溥字訪陸安徽潛山縣宣統己酉科拔貢法政畢業由合肥審判廳長遷河南獲嘉縣知事民國六年二月署封邱是年八月縣屬李七寨南河流直逼大堤水勢浩瀚幾至決口澤溥親往查勘飛章呈報幸上憲調撥沿河八局官船數百艘運石填塞復培堤根慘淡經營始能河慶安瀾化險爲

封邱縣續志

卷十四

宦績略

民國

七

開封新豫印刷所承印

夷又將雲騰等區河流灘場糶差呈請緩征以救災黎次年五月淫雨經旬積潦丈餘直奔縣城南門奪關而入風雨交加濤聲如雷昏夜之際驚爲河決奔竄無地澤溥督同役民親往堵塞乃愈堵愈漲民夫盡行逃散無奈又調撥隊勇邀約紳董極力堵禦目不交睫者累夜卒竟厥功城池無虞澤溥又精律例善折獄凡訟者投狀必先引見若係鵝鴨之爭則諄諄勸導令歸安業如遇重大之案則立即傳訊當庭判決曲直分明民無冤獄在任兩載摒擋公案五百餘件其法理精奧洵爲當代能吏並善書法所撰屏聯人多

寶之

本檔卷及採訪

知事修雲翰直隸平康縣清優附生法專畢業民國九年一月代理甫下車興學校禁烟賭防盜賊抑滑吏是以視事未久循聲洋溢尤足紀者沙河灘地



本屬農民舊業官產處失察誤認變賣與民爭質上憲飭縣查復履王曾兩前任猶屬懸案雲翰接篆之後立即單騎減從沿途八十餘村調查精確詳細呈覆得蒙上憲核准該地仍屬民有黎庶以修來福相稱非溢譽也且對於訴訟則每日親收詞呈遂遞遂傳遂訊遂銷案無積牘民無怨懟

本檔卷

知縣鞏思溫號霽棠河南臨潁縣清廩生民國十年法政畢業自孟調封時當伏莽齊起民無寧日思溫督率巡緝隊長王捷堂偵騎四出獲渠魁數名盡置之法宵小聞風遠颺地方賴以安謐封邱縣城年久失修雉堞圯毀難資捍衛乃勸令紳商捐資修築工程甫竣直奉戰起宏威軍總司令趙傑密調第一營營長趙步衢督率新收桿匪武林大金寶等一千餘人駐縣詎以武部爲匪性成騷擾勒索秩序紊亂思溫挺身隨機酌應巨亂方息無何武部

奉調赴鄭作戰全軍敗竄仍奔河北道經封城入欲劫掠思溫又親往招待令其駐紮西關不允進城夜闌督率黎庶登陴防守潰兵知其有備全軍北逸而去是年十月丁外艱辭職回籍閭邑民衆因其潔已奉公不忍遽舍赴懷懇請回任上憲廉得其實於十二年四月奪情令重蒞封至則濬渠道以興水利豁田賦以恤民瘼以本年九月復卸去

本檔卷及採訪

知事卓立字超如陝西臨潼縣人法專畢業曾充陝西靖國軍指揮部軍法官國民第二軍總司令部軍法處處長民國十四年三月奉督辦胡委任封邱縣知事下車後慎思明辨循謹愛民潔身自好士庶歸心是年夏有營混郭某自號團長招納亡命綠林千餘衆盤踞留光鎮向縣勒索給養并窺伺縣城立密電胡督派撥旅長胡景銓率兵三營來封剿捕誘匪出寨槍斃元兇

餘賊潰圍遠颺追殺無算生擒數十民得以寧次歲春第二軍在蘭封與寇英傑部作戰敗績渡河潰兵數千索款甚奢勢將譁變幸立爲其舊日長官職操軍法未敢妄動第當時地方公款早如懸磬無從措辦立慨出廉俸千元隨時兌付次日潰兵攜款西歸全縣賴以無恙縣西南西斗社有被灘塌請免丁漕未經呈准經立向民財兩廳面陳百姓苦况情辭迫切公牘數上

方准蠲緩云

本檔卷

縣長畢升垣字紫光吉林長春人日本法大畢業民國十五年五月任時巨匪吳秀山等聚衆吳寨夜出劫人聲言將襲封城萬民逃避十室九空升垣探訪底細乃約武警集民團以團長黃夢瀛率衆四百餘進剿已領八百餘衆冒雨涉水爲之接應自陳橋緣堤而前至馬房條與賊遇南有賊船兩艘人

封邱縣續志

卷十四

宦績略

民國

九

開封新豫印刷所承印

約五百往北飛渡堤北有葦坑數畝賊多伏其中堤頂及堤坡賊人預占形勝三面對我軍齊攻我軍盡係新集鄉農素無訓練戰器又多不利幾爲賊窘幸管帶能鎮之以靜令將所帶守城土炮對賊連射船賊飛逃而堤邊葦中之賊見勢孤亦逸去我軍乘勢努力追逐斬吳秀山等三人生擒賊數十名回縣升垣將死者梟首生者嚴辦又將該匪所供諸村醜類屢往剿拿餘

賊遠颺萬民以寧

本檔卷

